

مجموعہ ابوالضیا

ماسوا شاہہ مستدن دلی تطویرہ چالشی
پرتو حکمت و عرفان ایلہ تنویرہ آلی

علوم و معارفدن بحث ایدرہ و مرماہ عربی ابتداسیله اون بشتده نشر اولنور فنون غزتمیدرہ

نومرو ۵ [فی ۱۵ ذی القعدہ سنہ ۱۲۹۷] نصدہ سی ۳ غروش

آمرال ریچاردك حسابنه نظراً قزانیلان مسافه ۳۶ كوناك بولدن
عبارتدر .

فلسفه عوام

اصحاب یسار زمره سنه الخاق چوق قزائج و چوق تمنع ايله اولیوب،
قناعت و تصرفه موقوفدر .

هر یدیکمزشی قوتمرك از دبا دینی موجب اوله میوب، بدنك قوتی آنجق
معدنهك هضم ابتدکی مأ کولات بوزندندر .

علوم و فنونده ترقی چوق او قومقله اولیوب، بلکه او قونان شیرلی
حفظ و اتقان ايله میسر اولور .

آخره ایده بیله جگمز معاونت انسانیتکارانه، محتاج اجرا بولنان خصو -
صات اولیوب، همان اجرا اولانددر .

فرانسه نفوسنك منقسم بولندیخی صنوف مختلفه

فرانسه نك نفوس موجوده سی اوتوز یدی میلیون اولوب، بونك اون
ایکی میلیون شهری و یکریمی بش میلیونی قرویدر . نفوس مذکور نك
سکز بوز آلتش بیک بشیموز طقسائی عساکر بریه و بحریه ايله مکانب
مختلفه طلبه سی و عملانده محبوسین ايله تدریسه قدرتی اولیمان رهابین و
مکتبب خواهجه نیدر . بو حسابجه اوتوز آلتی میلیوندن متجاوز نفوس
فرانسه ده اقوات یومیه سنی تدارکله مشغولدر . وینه نفوس موجوده نك
ایکی بوز اون بیک ایکی بوزی برکونه صنعت صاحبی اولیمان سرسری
اشخاص، ویش بریک اوج بوزی اقوات یومیه زینی وسائط محقرانه ايله
تدارک ایلان بد بختان، و ایکی میلیون یوز آلتی بریک طقوز بوزی اسهام
و قونسولیدر اصحابیدر که بومقدارده یوز طقسان بشیک متقاعدین دخی
داخلدر . درت میلیون سکز بوز اوتوز یدی بیک صنایع مختلفه ايله تجار

سقااننده مستخدم اولانلر و یا وسائط مذکوره ایله تعیش ایدنلر؛ و طقوز
میلیون ایکموز یتش درتیک بشیوزی فابریقه لخدمه سیله صنایع دقیقه ایله
مشغول بولنلر؛ و آلتی میلیونی معاملات فروخت ایدن دکانچی، و اوج
میلیونی معدنیات اوجاقلریله مشاغل سائرده بولنلر؛ و اون سکرز میلیون
طقوز یوز آلتش طقوز بیکی دخی امر زراعتله مشغول اولانلردر که
بونلرک دخی اون میلیون بشیوز بیکی اصحاب املاک، و آلتی میلیونه قریب بر
مقداری ده مستأجر، و باقی ایکی بچق میلیونی زراعته متعلق صنایع مختلفه
ایله مألوف بولنلردر .

پروسیا و انکلتره تیمور یوللر خدمه سی

پروسیا تیمور یوللرنده مستخدم خدمه ایکی صنفدن عبارت اولوب،
بونلردن بری مأموریتلرنده ثابت اولان مأمورین ایله خدمه در که منسوب
اولدقلری قومپانیانک اونیفورم سنی لابسدرلر. بوصفدن ۱۸۷۹ سنه سنده
طقسان درت بیک آدم مقید بولنوب، دیگر صنف و یا عمله گروهی ایسه
سکسان بش بیک ایکی یوز کشیدن عبارتندر که مجموعی یوز یتش طقوز
بیک ایکی یوز کشیه بالغ اولور. بونلردن بشقه بیکی خطلر ایله اولکیلره
علاوه اولنان شعبه لده چالیشان برخیلی عمله دها وارد
انکلتره ده ایسه؛ یکیدن انشا اولنان خطلرده اشغال ایدیلانلردن
بشقه غران بریتانیا و ایرلانده تیمور یوللرنده اولان خدمه و مأمورین اوج
یوز بیک کشیه بالغ اولمقده در .

فنون مالیه

(در دبی نومردن مابعد)

بشنجی فصل — مصارفک تأدیه سی

تأدیاتک شرائط اجرایی تأدیات، بالکز استحقاقی اثبات ایدن اصحاب